



## AALAJANGIINEQ

(Atuuttussanngortitsinissamik aalajangiineq)

### ”Tasiilami inissiat qulit”

#### Suliap takussutissartai

Kommuneqarfik Sermersuup (matuma kingorna maalaaruteqartup) neqerooruteqartitsinissamut allakkat, 15. november 2011-meersut aqutugalugit Tasiilami inissiat qulit sananeqarnissaat tamanut ammasumik suliariumannittussarsiuuppai. Sanaartugassani suliassat tallimanut avillugit neqerooruteqartitsivigineqarput:

- A: Sanaartorfissagissaaneq betonilerinerlu
- B: Qarmaaneq, sananeq (saffiorneq ilanngullugu), pequsionerq qalissialersuinerlu
- C: Qalipaaneq
- D: VVS-ilerineq
- E: Innaallagisserineq

6. juni 2012  
Sagsnr. 2012-066079  
Dok. Nr. 926391

c/o Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl

Suliassani immikkoortoq ataaseq arlallilluunniit neqeroorfigineqarsinnaapput. Akikin-nerpaamik akeqartitsinissaq tunniussinissamut piumasaqaataavoq.

Neqerooruteqarnissamut 24. februar 2012 nal. 10 killigitinneqarpoq, tassanissaarlu suliariumannittussarsiuussilluni ataatsimiititsisoqarpoq.

Neqeroorutit katillugit tallimat tunniunneqarput, taakkunanngalu marluk, tassunga *Entreprenør Z* ilaalluni, suliassanut tallimaasunut tamanut tunngasuupput, maalaaruteqartullu neqeroorutaa taamaallaat suliassaq A-mut tunngasuuvoq, neqerooruteqartullu marluk neqeroorutaat suliassamut D-mut aamma E-mut tunngasuullutik.

*Entreprenør Z*-ip suliassaq A-p ataani nunagissaanermut neqeroorutaa kisimi suliariumannittussarsiuussinermi atuarneqarsimasoq isumaqatigiissutigineqarpoq, kisiannili *Entreprenør Z* piffissarititaasup iluani suliassanut tamanut aamma neqerooruteqarsimanersoq isumaqatigiissutigineqarluni.

13. april 2012-imi maalaaruteqartoq maalaarutigineqartumit ilisimatinneqarpoq, maalaarutigineqartut pillugit isumaqatiginninniarnernik aallartitsisoqassanngitsaq, illuatungaani, tassalu *Entreprenør Z*-imit, suliassanut tamanut ataatsimut akikinnerusunik neqerooruteqartoqarmat. Aammattaaq allassimavoq, maalaarutigineqartup maalaaruteqartup neqeroorutaa naapertuutinnigitsutut isumaqarfigigaa, maalaaruteqartup neqeroorfiusut allattorsimaffianni imm. 2-mi ”Nunagissaaneq, kuuffik pingaarneq” agguassinermi allattuiffik 1.1-imi aamma agguassinermut allattuiffik 2.2-mi ilaatissimammagit.

9. maj 2012-imi tunniussineq pillugu aalajangiinermut naammagittaalliummik maalaaruteqartarfik tigusaqarpoq. Naammagittaalliummi allassimavoq, maalaarutip atuuttussanngortinneqarnissaanik naammagittaalliortoq qinnuteqartoq, taamatullu taarsiissutissanik akiliisussanngortitsisoqarnissaa piumasarineqarluni. Maalaarummi piumasarineqartut ersernerlummata, maalaaruteqartarfiup maalaaruteqartoq qinnuigaa 18. maj 2012

nallertinnagu piumasaqaatiminik erseqqissaaqqullugu. Ullut nalliuttuni aningaaseriviit matoqqanerat pissutigalugu maalaaruteqartup qinnuteqaataanut killissarititaasoq 21. maj 2012-imut kinguartinneqarpoq.

Maalaaruteqartoq maalaaruteqartarfimmut imaattunik piumasaqarpoq:

- 1) Maalaaruteqartarfiup maalaaruteqartup maalaarutaa atuuttussanngortissavaa.
- 2) Maalaaruteqartarfiup maluginiassavaa, maalaarutigineqartup suliassanut tamanut *Entrepreneur Z*-ip neqeroorutaanik ataatsimoortunik akuersinermigut, neqerooruteqartarnermut inatsimmi § 7, imm. 3 aamma § 14 saneqqussimammagu, neqeroorutit ataatsimoortut neqerooruteqartitsinermut allakkiami piffissaliussaasut iluanni tiguneqarsimanninnerat apeqqutaatinnagu.
- 3) Maalaaruteqartarfiup maluginiassavaa, maalaarutigineqartup suliassanut tamanut *Entrepreneur Z*-ip neqeroorutaanik ataatsimoortunik akuersinermigut, neqerooruteqartarnermut inatsimmi § 7, imm. 3 aamma § 14 saneqqussimammagu, *Entrepreneur Z*-ip neqeroorutaani suliassanut A-mut neqeroorutip kisimi atuarneqarnera apeqqutaatinnagu.
- 4) Maalaaruteqartarfiup maluginiassavaa, *Entrepreneur Z*-ip suliassanut A-mut neqeroorutaa piumasaqaatinut naleqqutinngimmat, taamaattumillu *Entrepreneur Z*-ip suliassaq A-mut neqeroorutaa akuerineqarsinnaanngitsutut maalaarutigineqartup isumaqarfiginngimmagu, tassani agguaassinissamut allattuiffik 2-2-mi suliassat taaneqartut ilaatinneqanngimmata.
- 5) Maalaaruteqartarfiup maluginiassavaa, maalaarutigineqartup neqeroorutaata naleqqutinngitsutut nalunaarutigineratigut neqerooruteqartarnermut inatsimmi § 7, imm. 3 saneqqussimammagu, neqerooruteqartitsinermut najoqqutassat malillugit maalaaruteqartup suliassaq A-mut neqeroorummi agguaassinissamut allattuiffik 2-2-mi suliassat taaneqartut ilanngussimammagit.
- 6) Piumasaqaat 5)-imut tapertarillugu maalaaruteqartarfiup maluginiassavaa, maalaarutigineqartup neqeroorutaata naleqqutinngitsutut nalunaarutigineratigut neqerooruteqartarnermut inatsimmi § 7, imm. 3 saneqqussimammagu, neqerooruteqarnissamut najoqqutassani agguaassinissamut allattuiffimmi 2-2-mi suliassat taaneqartut suliassanut A-mut ilaanngitsut ersarissumik allasimannngimmat, aammalu agguaassinissamut allattuiffimmi 2-2-mi suliassat taaneqartut suliassanut A-mut ilaanissaat kissaatigineqarsimanngippat maalaarutigineqartup tassunga tunngasortai maalaaruteqartup neqeroorutaanut ilaatinngitsoorsimasinnaagaluarai, taamaalillunilu maalaaruteqartup neqeroorutaa 1.031.000 koruuninik ilanngarlugu 6.743.000 koruuninngortissinnaasimagaluarlugu.
- 7) Maalaaruteqartarfiup suliassanut A-mut isumaqatigiissutip *Entrepreneur Z*-imut tunniunneqarnissaanik maalaarutigineqartup aalajangiinera atorunnaarsissavaa.
- 8) Maalaaruteqartarfiup maluginiassavaa, maalaarutigineqartoq pisussaammat suliassaq A-mut isumaqatigiissutip maalaaruteqartumut tunniunneqarnissaanik aalajangiinissamut, maalaaruteqartoq suliassanut A-mut naapertuuttumik akikinnerpaamik neqerooruteqarmat.

Maalaarutigineqartoq piumasaqarpoq piumasaqaatit 1) – 8) malinneqassanngitsut, aammalu maalaarutigineqartut atuuttussanngortinneqarnissaannut apeqqummut tunngatillugu akissuteqaammini 1. juni 2012-imeersumi nalunaarutigaa, suli *Entrepreneur Z* isumaqatigiissusiorfigineqarsimanngitsoq.

Maalaaruteqartuq maalaarutip atuuttussanngortinneqarnissaanik piunasaqaamminut tapertatut ilaatigut allappoq:

Neqerooruteqartarnermut inatsimmi § 30 naapertorlugu atuuttussanngortitsinissamut piareersareernerit kingorna maalaarut atuuttussanngortinneqanngippat maalaaruteqartumut aaqinneqarsinnaanngitsumik ajoqusiisoqarsinnaanera tunngavigineqassasoq. Tamatuma saniatigut danskit inatsisaanni oqaatigineqarpoq, aammattaaq maalaaruteqartup piunasaqaataa naammaginartumik tunngaveqassasoq, aammalu neqerooruteqartup neqerooruteqartitsisullu soqutigisaat atuuttussanngortitsinissamut tunngaviliisuussasut.

Maalaarutip tunngavilersugaalluarnera akuerineqarsimassasoq, taamaattumillu naammaginartumik tunngaveqarnissamut piunasaqaat naammassineqarsimassasoq.

Maalaaruteqartup taamatullu maalaarutigineqartup atuuttussanngortitsinissaq soqutigisarissagaat, taamaalillunilu isumaqatigiissut maalaaruteqartumut, suliassamut A-mut appasinnerpaamik akeqartitsisumut tunniunneqarsinnaassasoq. Suliassaq A-mut isumaqatigiissutip tunniunneqarnera aamma suliassamik A-mik aallartitsinissamut periarfisiisussaavoq, maalaarutigineqartullu tamatumunnga peqatigitillugu suliassanut B-miit E-mut suliariumannittussarsiuussineq isumaqatiginninniarnertuunniit ingerlassinnaavai, isumaqatigiissutit taakku neqerooruteqartumut ataatsimut amerlanerusunulluunniit tunniunneqarnissaat siunertaralugu. Tassalu soqutigisanik oqimaalutaaneq maalaaruteqartumut iluaqutaasussaavoq, taamaattumillu piunasaqaat taanna aamma naammassineqarsimavoq.

Isumaqatigiissutip maalaaruteqartup, neqerooruteqarnerminut atatillugu Tunumi atavartumik nutaamik pilersitsinissamut pilersaaruteqartup suliniuteqarneranut pingaaruteqarnissaa, tamatumanilu maalaaruteqartuq niuerfissanik nutaanik pilersitsisussaagaluarpoq, sumiiffimmilu unammilleqatigiinneq nutaaq pitsannguisussaagaluarpoq, maalaarutigineqartumut aammalu Kommuneqarfik Sermersuumi innuttaasunut/ suliffeqarfinnut, pingaartumillu Tasiilami Ittoqqortoormiinilu innuttaasunut suliffeqarfinnullu iluaqutaasumik. Isumaqatigiissuteqartoqanngippat maalaaruteqartuq Tunumi pilersitsinissaminut pisariaqartinneqartunik tunngavissaqanngilaq. Taamaattumik maalaaruteqartup maalaaruteqarnermi suliarni matumani taarsiiffigineqarnissamik piunasaqarneratigut maalaaruteqartup soqutigisai naammassineqarsinnaanngillat.

Suliariumannittussarsiuussinerup ingerlanerani tukattorujussuaq, kukkunerit annertuut pisut aammalu maalaarutigineqartup – taaneqartunik kukkusoqaraluartoq – maannamut isumaqatigiissummik neqerooruteqartumut ataasiinnarmut, Tasiilami najugaqavissumut, tunniussiniarluni siunnerfeqarnera ataatsimoortillugit pisunik sakkortusitimmata, maalaarut atuuttussanngortinneqassasoq.

Maalaarutigineqartup matuma siuliani pineqartunut ilaatigut tunngavilersuutigai:

Maalaaruteqartup suliariumannittussarsiuussinermut naammassineqartumut akerliliissuteqarnerani tapernerneqarnissaanut tunngavissaqanngitsuoq. Maalaarutigineqartup aammalu maalaarutigineqartup teknikkikkut inatsisitigullu siunnersortaasa neqerooruteqartitsinermi najoqqutassat suliariumannittussarsiuussinerullu ingerlanera misissuqqissaarpat, taakkunungalu tunngatillugu naliliippat pisunik naapertuutinningsunik

kukkunernilluunniit, akikinnerpaamik neqerooruteqartumut isumaqatigiissusiorsinnaannginnermik kinguneqartunik takusaqartoqarsinnaanngitsoq. Tamatumunnga atattillugu oqaatigineqarpoq, maalaaruteqartup suliassamik A-mik (nunagissaaneq) aamma suliassamik D-mik (vvs-ilerineq/ kuuffilerineq) akuleriissikkamigit kisimiilluni neqerooruteqartitsineranut najoqqutassat paatsoorsimagai.

Maalaarutigineqartup *Entrepreneur Z* isumaqatigiissusiorfigisinnaassagaa, suliffeqarfimmit tassannga neqeroorutit tamakkerlutik suliariumannittussarsiuussilluni ataatsimii-titsinermit atuarneqarsimanerat apeqqutaatinnagu. Tamatumunnga atattillugu danskit neqerooruteqartitsisarnermut maalaaruteqartarfiannit aalajangiineq innersuusutigineqarpoq, tassanilu allassimavoq, neqeroorut piffissaq eqqorlugu tunniunneqarsimasoq, kisiannili "puigorneqarsimasoq" atuarneqanngimmat, tamanna danskit neqerooruteqartarnermut inatsisaanni aalajangersagaq assingusoq uniorneqartoq. Aamma maalaaruteqartarfiup aalajangiinerani allassimavoq, neqeroorutit taassuma tunniunneqarsimasup, kisiannili suliariumannittussarsiuussilluni ataatsimii-titsinermit atuannitsoorneqarsimasup eqqarsaatigineqarnissaa sanatitsisumut akisussaaffiliinngitsoq, tamannalu tunngavigalugu maalaaruteqartoq maalaaruteqarnermini taperserneqartussaasoq isumaqartoqanngilaq.

Maalaarut atuuttussanngortinneqanngippat maalaaruteqartoq iluarsineqarsinnaanngitsumik ajoquserneqassanngitsoq. Maalaaruteqartup taarsiiffigineqarnissamik piumasaqarsinnaaneratiqut maalaaruteqartup soqutigisai tamakkiisumik eqqarsaatigineqassapput.

Isumaqatigiissutit *Entrepreneur Z*-imut tunniunneqarnissaanut neqerooruteqartitsinerup taamaatinneqarnera qinigassaasoq. *Entrepreneur Z*-ip neqeroorutaa peerneqassappat, tamannalu akerlilerneqarpoq, suliassanut tamanut neqeroorummik soqartussaannigilaq, taamaattumillu sanaartorneq ingerlanneqarsinnaassanngilaq – taamaattumik taamaatitsinissaq periarfissatuaavoq.

Maalaaruteqartumit neqeroorut naapertuutinnigitsutut isigineqassasoq, taanna VVS-ilerinermik, suliassanut maalaaruteqartup neqerooruteqarfigisaanut imaqarmat.

Maalaarut atuuttussanngortinneqassappat, tamanna maalaarutigineqartumut annertuumik ajoqusiinnaammat. Ilaatigut suliassat matuma siuliani taaneqartutut ukiumi qaammatisiuteqarfiusumi matumani sularineqarsinnaassanngimmata, ilaatigullu neqerooruteqartitsinermit nutaamik, akinik neqeroorutigineqartunik amerlisitsiviusinnaasumik ingerlatsisoqartariaqassammat.

Maalaaruteqartoq maalaaruteqarnissanut piffissarititaasup naalernerani aatsaat maalaarummik tunniussisimammat. Taamatut pisoqarnera atuutsitsilernissap pisariqannginneranut tunngavissaareerpoq.

#### **Maalaaruteqartarfiup oqaaseqaataa:**

Neqerooruteqartitsinermit inatsimmi § 30-mi allassimavoq, maalaarut aatsaat atuuttussanngortinneqarsinnaasoq, pissutsit immikkut ittut peqqutigalugit maalaaruteqartarfik imaluunniit maalaaruteqartarfik sinnerlugu siulittaasoq maalaaruteqartup piumasaqataanut tunngasumik aalajangiippat.

Maalaaruteqartarfik tunngavissatut pigineqarallartut tunngavigalugit:

1. "Maalaarut tunngavissaqarnersoq", imaluunniit maalaaruteqartumut neriunaateqanngitsutut ("Fumus boni juris") inissisimanersoq naliliissaaq.
2. Iluarsineqarsinnaanngitsunik peqarnersoq naliliissaaq. Tassalu maalaaruteqartumut annertuumik iluarsineqarsinnaanngitsumillu ajoqusiinissaq pinngitsoortinniarlugu maalaarutip atuuttussanngortinneqarnissaa pisariaqarnersoq.
3. Soqutigisanik oqimaalutaassaaq. Tassalu maalaaruteqartarfik maalaarummik atuuttussanngortitsissappat, maalaaruteqartup soqutigisai maalaarutigineqartup killormoortuanik soqutigisaanit pingaarnerunersut.

Piumasaqaatini pingasuusuni taakkunani ataaseq naammassineqanngippat, atuuttussanngortitsinissamik aalajangiisoqarsinnaanngilaq. Atuuttussanngortitsinissamik atuuttussanngortitsinnginnissamilluunniit aalajangiineq inaarutaasumik aalajangiinissamut siumoortumik inerniliissutaasinnaanngilaq.

Piumasaqaat nr. 1 naammassineqarsimagaluarpalluunniit, maalaaruteqartarfik isumaqarpoq, maalaaruteqartup tapersernejartariaqarnissaanut maalaaruteqartumut annertuumik iluarsineqarsinnaanngitsumillu ajoqusiisoqarsinnaaneranik taamaattumik tunngavissaqartoqanngitsaq.

Ajoqusiineq taarsiiffigineqarsinnaappat, tamatumani tunngaviumik iluarsisoqarsinnaannginnera pineqanngilaq. Maalaaruteqartoq taarsiiffigineqassasoq maalaaruteqartarfik aalajangeraluarpalluunniit, maalaaruteqartoq atuuttussanngortitsinissamut akuerineqarsinnaavoq, maalaaruteqartup ingerlanera ulorianartorsiortinneqarsinnaappat, imaluunniit niuernikkut inissisimanagera iluarsineqarsinnaanngitsumik allanngortinneqartussaappat.

Maalaaruteqartarfiup maalaaruteqartup iluarsisoqarsinnaannginneranut tunngavilersuutigisaa imatut paasivaa, suliassaq maalaaruteqartup Tunumi aallartitsinissamut suli niutaanut isumaqartoq. Maalaaruteqartarfiup maluginiarpaa, maalaaruteqartoq taamatut pilersitsiniarnermut atatillugu suliassamut neqerooruteqarnerup saniatigut allanik iliuseqarsimanerminik taasaqarsimanngitsaq. Taamaattumik maalaaruteqartup ingerlanera ulorianartorsiunngilaq, taamatullu maalaaruteqartup Tunumi niuernikkut inissisimanagera iluarsineqarsinnaanngitsumik allannguuteqarnissamut ulorianartorsiunngitsaq, maalaaruteqartoq suli aallartitsisimanngimmat.

Taamaattumik maalaaruteqartarfiup maalaarut atuuttussanngortissanngilaa.

#### **Tamatuma kingunerisaanik aalajangerneqarpoq:**

Maalaarut atuuttussanngortinneqassanngilaq.

Thomas Trier Hansen  
Siulittaasoq